



REPUBLIKA E KOSOVËS/REPUBLIKA KOSOVA

GJYKATA THEMELORE PRIZREN

Numri i lëndës: 2022:219545  
Datë: 06.12.2022  
Numri i dokumentit: 03720873

**C.nr.3642/22**

**GJYKATA THEMELORE NË PRIZREN- Departamenti i Përgjithshëm**, gjyqtari Shaban Shala, me praktikantin A.B. në çështjen juridike kontestimore të paditëses V.M. nga Prizreni, të cilën me autorizim e përfaqëson av. S.K. nga Prishtina, kundër të paditurës Komuna e Prizrenit-Drejtoria Komunale e Arsimit, për shkak të kompensimit të ushqimit- shujtave ditore, vlera e kontestit 202.00 €, me datën 06.12.2022, morri këtë:

**A K T G J Y K I M**

**I. APROVOHET si e bazuar** kërkesë padia e paditëses **V.M. nga Prizreni** dhe **DETYROHET** e paditura Komuna e Prizrenit - Drejtoria Komunale e Arsimit, që në emër të kompensimit të shpenzimeve për ushqim ditor-shujtat për vitin 2021 t'ia paguaj shumën e përgjithshme prej **202.00 €** ( 101 x 2 ), me kamatë ligjore prej 8 % të gjitha në afatin prej 7 ditëve nga dita e marrjes së këtij aktgjykimi nën kërcënim të përmbarrimit.

**II. DETYROHET** e paditura që t'ia paguajë paditësit shpenzimet procedurale dhe atë në lartësi prej 124 € në afat prej 7 ditësh pas ditës së pranimit të këtij aktgjykimi, nën kërcënim të përmbarrimit me dhunë.

**A r s y e t i m**

Paditësja V.M. nga Prizreni, të cilën me autorizim e përfaqëson av. S.K. nga Prishtina, në këtë gjykatë ka parashtruar padi kundër të paditurës Komuna e Prizrenit -Drejtoria Komunale e Arsimit lidhur me kompensimin e shujtave- ushqimit gjatë punës, me vlerë të kontestit 202.00 €.

E paditura duke vepruar sipas aktvendimit të gjykatës më dt.24.11.2022 ka dorëzuar në gjykatë përgjigjen në padi me anë të së cilës e ka kundërshtuar në parim padinë dhe kërkesë padinë me arsyetim të mos shterjes së procedurave administrative dhe në mungesës të mjeteve buxhetore, ngase Ministria e Financave nuk ka kod të posaqëm buxhetor për këtë kategori të shpenzimeve.

Paditësja padisë ia ka bashkangjitur provat materiale si në vijim: kontratën e punës me numër të protokollit 326/3 të datës 07.10.2019 lëshuar nga Drejtoria Komunale e Arsimit në

Prizren, kopjen e të ardhurave mujore, vërtetimin për ditët në punë për vitin 2021 me numër të protokollit 22/50 të datës 24.01.2022 dhe autorizimin.

Nga provat e administruara më lartë nuk është kontestues fakti se paditësja ka qenë në marrëdhënie pune tek e paditura SH.F.M.U “Abdyl Frashëri” në Prizren, por mbetet kontestues fakti se paditëses a i takon kompensimi për ushqimin ditor, për shujtat për të cilën çështje gjykata ka vendosur si në dispozitiv të këtij aktgjykimi duke aprovuar kërkesëpadinë e paditëses si të bazuar për shkak se kjo kërkesë e paditëses është e rregulluar me dispozitat e Kontratës Kolektive të Arsimit në Kosovë nr.01B/105 dt.22.01.2021 konkretisht të nenit 35.7, i cili rregullon të drejtën për shujtje-ushqim ditor për ditët e kaluara në punë, në rastet kur punëdhënësi nuk e ka organizuar ushqimin në punë sikurse në rastin konkret.

Duke u bazuar në këto dispozita materiale të cilat përcaktojnë këto të drejta dhe detyrime për palët ndërgjyqjese dhe gjendjen faktike të vërtetuar, se paditësja është në marrëdhënie pune tek e paditura, gjykata ka vendosur si në dispozitiv të këtij aktgjykimi duke aprovuar kërkesë padinë e paditëses, ashtu që e detyroi të paditurën që t’ia kompenzon ushqimin ditor në shumën më detalisht të vendosur sikurse në dispozitiv të këtij aktgjykimi duke llogaritur një ditë pune nga 2 € për shkak se provat materiale konkretisht vërtetimet e lëshuara nga vet e paditura vërtetohet se paditëja ka aq ditë pune të përcaktuara gjithashtu detalisht sikurse në dispozitiv të këtij aktgjykimi.

Gjykata vendosi sikurse në dispozitiv të këtij aktgjykimi duke aprovuar shumën përkatëse të kompensimit duke llogaritur me kamatë ligjore prej 8 % bazuar në nenin 382 par.1 dhe 2 të LMD-së, nga dita e parashtrimit të padisë (25.10.2022), bazuar në Mendimin Juridik për Kamatën të Gjykatës Supreme të Kosovës nr. 265/2020 të datës 02.12.2020 , pasi që në rastin konkret pala e paditur është vonuar në përmbushjen e obligimit ndaj palës paditëse dhe se në këtë rast kemi të bëjmë me dëm material.

Vendimi mbi shpenzimet procedurale bazohet në nenit 449, 452 dhe 453.1 të LPK-së, ku është obliguar pala e paditur që paditësve t’ia kompensojë shpenzimet e procedurës në shumën prej 124 €, dhe atë në emër të përpilimit të padisë 104 € dhe në emër të taksës për padi 20 € bazuar në tarifën e OAK-së.

Nga të dhënat e paraqitura më lartë dhe duke u bazuar në nenin 143 dhe 398 të LPK-së, gjykata vendosi si në dispozitiv të këtij aktgjykimi.

**GJYKATA THEMELORE NË PRIZREN**  
**-Departamenti i përgjithshëm-**  
**C.nr.3642/22, më datë 06.12.2022**

**Praktikanti**  
**Ardi Brando**

**Gjyqtari**  
**Shaban Sh. Shala**

**UDHËZIME PËR ANKESË:** kundër këtij aktgjykimi pala e pakënaqur ka të drejtë ankese në afat prej 7 ditësh, pas marrjes së të njëjtit, Gjykatës së Apelit në Prishtinë, nëpërmjet kësaj gjykate.